

Inatsisartut suleriaasianni § 33 naapertorlugu aalajangiiffigisassatut siunnersuut ataani pineqartoq matumuuna Naalakkersuisunit saqqummiunneqarpoq:

Meeravissiarthaarneq pillugu inatsimmut aamma angajoqqaat akisussaannerat pillugu inatsimmut allannguutit arlallit Kalaallit Nunaannut atuutilernissaannik peqqussutissatut missingiummut (Meeqqamut pitsaannerusussaq, aappariit inooqatigiit meeravissiarthaartarnissaannut periarfissiineq, Ankestyrelsenip maalaartarfiunera il.il. meeravissiarthaarnermut tunngasuni aamma toqusoqarnerani angajoqqaatut oqartussaaneq il.il.) Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut

(Isumaginninnermut, Ilaqutariinnut Inatsisinillu Atuutsitsinnermut Naalakkersuisoq)

Tunngavilersuineq

Meeravissiarthaarneq pillugu inatsimmut aamma angajoqqaat akisussaannerat pillugu inatsimmut allannguutit arlallit Kalaallit Nunaannut atuutilersinnissaannik peqqussutissatut missingiummut (Meeqqamut pitsaannerusussaq, aappariit inooqatigiit meeravissiarthaartarnissaannut periarfissiineq, Ankestyrelsenip maalaartarfiunera il.il. meeravissiarthaarnermut tunngasuni aamma toqusoqarnerani angajoqqaatut oqartussaaneq il.il.) Kalaallit Nunaannut atuutilersinneqarnissaat pillugit peqqussummut missingiut Naalakkersuisut tigusiavaat.

Meeravissiarthaarneq pillugu inatsimmut aamma angajoqqaatut oqartussaaneq pillugu inatsimmut allannguutissanik arlalinnik peqqussutissaq inassuteqarpoq. Ilaqutariinnut inatsisinut allangortinneqarsimasunut Danmarkimi naammassineqarsimasunut ilaqutariinnermut inatsisit ilaasa malinnaatinneqarnissaat ilaatigut peqqussutikkut siunertarineqarpoq.

Peqqussummi immikkoortut pingaarnerit tassaapput:

Meeqqamut pitsaannerusussaq

Peqqussutissatut siunnersuummi angajoqqaat akisussaassuseqarnerat pillugu peqqussummi siunertassarissatut aalajangersagaq ilanngunneqassaaq, tassani, peqqussummi pissutsini ilaatinneqartuni tamani, meeqqamut pitsaanerpaajusussap isiginiarneqarnissaa aamma meeqqap ilorrisimaarnissamik illersugaanissamillu pisinnaatitaaffiisa salliutinneqarnissaat, nalinginnaasumik tunngavittut taamaalilluni aalajangersarneqassalluni. Taamatuttaaq meeravissiarthaarneq pillugu inatsimmi taaguut "meeqqamut iluaqutaasumik" "meeqqamut pitsaannerusussamik"-mut allangortinneqarpoq. Taamaalilluni meeqqat pillugit aalajangiisoqartillugu pingaarnertut innimigisassaq tassaalissaaq meeqqamut pitsaannerusussaq, tamannalu meeqqat atugarisaasa patajaallisaavigineqarnerinik kinguneqassaaq.

Taamaattumik Naalagaaffiup Sinniisoqarfia eqqartuussiviillu pisumi aalajangersimasumi meeqqamut pitsaannerusussaq aallaavigalugu aalajangiisassapput.

Najugaqatigiissut pillugit (meeravissiarthaarneq)

Aappariit katissimasut aappaasup meeraanik meeravissiarthaarsinnaapput (aapparissap meeraanik meeravissiarthaarneq). Nalunaarsorsimalluni aappariinnut atatillugu meeravissiarthaarneq nalunaarsorsimalluni aappariinnermut taarsiullugu katinnikkut pisinnaavoq, tassami

meeravissiarternut malittarisassat taamaallaat katissimallutik aappariit aapparissamik qitornaasa meeravissiarternissaat periarfissaqartimassuk. Najugaqatigiissut aapparissamik meeraanik meeravissiarternissaat peqqussummut missingiut aqutugalugu periarfissaalissaaq. Najugaqatigiissut peqqussummut missingiut aqutugalugu aamma taamatut aapparissamik qitornaanik meeravissiarternissamik periarfissaqalissapput. Meeravissiarternut naleqqiullugu katissimallutik aappariit najugaqatigiissullu naligiissinneqarnerat tamatuma kingunera, aamma taamaattumik meeqqanut pineqartunut atugassarititaasut pitsanngortinneqarneranik kinguneqassaaq, taakkumi ilaqutariittut ilanngunneqarlutik inuuneqarnissamik pitsaanerusumik periarfissaqalissapput inunnillu amerlanerusunik isumassorneqarsinnaalissallutik. Tamanna aappariinnut suaiaqatigiinnut aamma atuuppoq.

Aapparissap meeraanik meeravissiarternissamik akuersisarnernut piumasaqaatit tunngaviummik allannngortinneqanngillat. Taamaattorli malittarisassat ima allannngortinneqarput taamaalilluni najugaqatigiissut katinngikkaluarlutik inooqatimik meeraanik aamma meeravissiarternissaanerit periarfissaalerluni.

Tamatuma peqatigisaanik malittarisassat pisariillisarneqarput, taamaalilluni Naalagaaffiup Sinniisuata allaffianut orniguteqqaanngikkaluarluni meeravissiarternut allakkatigut akuersineq periarfissaalerluni. Kalaallit Nunaanni nunap pissusia pissutigalugu tamanna assut iluaqutaassaaq.

Meeravissiarternissamut suliassat pineqartillugit, ingammik naammagittaalliortoqartillugu social-og indenrigsministerip suliarisartagai Ankestyrelsen-ip tigussagai missingiutittaaq malitsigaa.

Angajoqqaap pisuussutigisaanik angajoqqaap aappaata toqunerani angajoqqaatut oqartussaassuseq
Ullumikkut angajoqqaap nammineq pisuussutigisaminik meeraqarfiminik toqutsippat angajoqqaatut oqartussaanerup aallaaviatigut angajoqqaap toquneranut pisuussuteqartumit tiggummiinnarneqartarnera atuuppoq. Angajoqqaap pisuussutigisaanik meeraqarfiminik toqutsippat, angajoqqaatut oqartussaanerit atatillugu meeqqamut suna pitsaanerpaanersoq siunissami misissorneqartassaaq.

Aalajangiinerugallarnert

Peqqussummut missingiutikkut angajoqqaatut oqartussaassuseqarneq pillugu peqqussummi najuinissamut malittarisassat aalajangersakkamik ilaneqarput, tamatumalu kingorna aalajangersimasumik najuisarnerit imaluunniit isumaqatigiissutigalugu najuisarnerit angajoqqaat isumaqatigiissimappata imaluunniit najuinissap atorunnaarsinneqarnera pillugu eqqartuussivik aalajangersaasimappat taamaallaat atorunnaarsinneqarsinnaallutik.

Angajoqqaat akisussaanerit pillugu peqqussummi najuisarnissaq pillugu aalajangiinerugallarnert il.il. pillugit aalajangersakkat erseqqissaavigineqarnerat pillugit peqqussummut missingiut imaqarpoq. Najuisarnerit atatillugu, attaveqarnerit allat pillugit, najugaqarneq imaluunniit angajoqqaatut oqartussaassuseq pillugu eqqartuussiviup aalajangiinerigallagai inaarutaasumik aalajangiisoqarnissaata tungaanut atuutissapput, imaluunniit angajoqqaat pissutit pillugit isumaqatigiissuteqarnissaata tungaanut atuutissallutik.

Najuisarnissat pillugit suliat suliarineqarnert najuinissamut isumaqatigiissutit, najugaqarfik pillugu aamma angajoqqaatut oqartussaaneq pillugu suliat akerleriissutaakkajuttarput. Malittarisassat

erseqqissaavigineqarneri pineqartunut taamaammat iluaqutaassapput aamma ingammik meeqqanut iluaqutaasinnaallutik.

Pisortani aningaasarsiornikkut allaffissornikkullu kingunerisassat

Soqanngilaq.

Aningaasaqarnikkut allaffissornikkullu namminersorlutik inuussutissarsiutilinnut kingunerisassat

Soqanngilaq.

Innuttaasunut aningaasaqarnikkut sunniutissat:

Soqanngilaq.

Tusarniaaneq

Social- og indenrigsministerip tusarniaaneq isumagaa, tusarniaanermilu kalaallit oqartussaasui attuumassuteqartut peqataatinneqarsimapput.

Social- og indenrigsministeeriaqarfiup oqaatigaa:

”Peqqussummut missingiut tusarniutigineqarsimavoq, missingiullu tapersorsorneqarluarsimalluni. Tusarniaanermut akissutit allannguissamut tunngavissiisimangillat.”

Ilanngussat

1. Meeravissiararneq pillugu inatsimmut aamma angajoqqaat akisussaanagerat pillugu inatsimmut allannguutit arlallit Kalaallit Nunaannut atuutilernissaannik peqqussutissamut missingiut pillugu eqikkaaneq.
2. Meeravissiararneq pillugu inatsimmut aamma angajoqqaat akisussaanagerat pillugu inatsimmut allannguutit arlallit Kalaallit Nunaannut atuutilernissaannik peqqussutissamut missingiut.